



Broj: 05-14-267/19

Datum: 07.05.2019.godine.

Na osnovu člana 70 stav (3) Zakona o javnim nabavkama ("Službeni glasnik Bosne i Hercegovine" broj 39/14), člana 146 Statuta Općine Novo Sarajevo ("Službene novine Kantona Sarajevo" broj 35/10) i člana 200 Zakona o upravnom postupku ("Službene novine Federacije BiH" broj 2/98), a na prijedlog Komisije za javnu nabavku, Općinski načelnik d o n o s i

RJEŠENJE o poništenju postupka javne nabavke

- I Poništava se postupak javne nabavke radova „Izgradnja dječijeg igrališta u ulici Dobojska“
- II Rješenje o poništenju postupka javne nabavke objavit će se na web stranici www.novosarajevo.ba, u skladu sa članom 70. Stav (6) i članom 71 Zakona o javnim nabavkama BiH.

Obrazloženje

Postupak javne nabavke proveden je putem konkurentskog zahtjeva za dostavljanje ponuda, a pokrenut je na osnovu Zaključka Općinskog načelnika broj: 05-14-267/19 od 06.03.2019.godine.

Procijenjena vrijednost javne nabavke sa uračunatim PDV-om je: 25.000, 00 KM.

Obavještenje o javnoj nabavci broj: 935-7-3-45-3-42/19 od 10.04.2019. u 14²⁷, poslano je na objavu na Portal javnih nabavki.

Komisija za javnu nabavku usluga, radova i usluga vezanih za radove, je imenovana Zaključkom Općinskog načelnika broj: 05-14-267/19 od 06.03.2019.godine.

U predmetnom postupku utvrđeno je da je Komisija za javnu nabavku blagovremeno i pravilno izvršila otvaranje ponuda i ocjenu jedine prispjele ponude, o čemu je sačinila Zapisnike, u kojima je utvrđeno slijedeće:

1) Iz Zapisnika sa otvaranja ponuda i Zapisnika o pregledu i ocjeni ponuda Komisije za javnu nabavku je vidljivo da je dana 06.05.2019.godine, pristigla 1 (jedna) ponuda ponuđača Babel d.o.o. Sarajevo.

2) Iz Zapisnika o pregledu i ocjeni ponuda Komisije za javnu nabavku usluga, radova i usluga vezanih za radove je vidljivo da se Komisija sastala dana 06.05.2019. godine u 17⁰⁰, radi pregleda i ocjene jedine prispjele ponude, te je konstatovala slijedeće:

Ponuda ponuđača Babel d.o.o. Sarajevo, nije prihvatljiva iz slijedećih razloga:

1. Dostavljena Potvrda o uspješnoj realizaciji Ugovora broj: 05-23-2105/17 od 25.05.2017.godine izdata od strane Službe za stambene, komunalne poslove, poslove obnove, razvoja i zaštite okolišta, Općine Novo Sarajevo se odnosi na rekonstrukciju dječijeg igrališta u ul. Džemala Bijedića 33. koja je obuhvatala ugradnju opreme za dječija igrališta (klackalice, tobagane, ljuljačke i sl), podlogu za dječije igralište (antistres gumena podloga), korpe za otpad i klupe, a ne na izgradnji dječijih i /ili sportskih igrališta, kako je zahtijevano tačkom 2.2 stav d.1) tenderske dokumentacije.

2. Dostavljena Potvrda o uspješnoj realizaciji Ugovora broj: 05-23-2105/17 od 25.05.2017.godine izdata od strane Službe za stambene, komunalne poslove, poslove obnove, razvoja i zaštite okolišta, Općine Novo Sarajevo se odnosi na nabavku mobilijara i sprava za razgibavanje za javne površine a koja je obuhvatala ugradnju opreme za



dječija igrališta (klackalice, ljujčake, tobogane i sl), vanjske fitnes sprave i podlogu za igralište (antistres gumene obloge), a ne na izgradnji dječijih i /ili sportskih igrališta, kako je zahtijevano tačkom 2.2 stav d.1) tenderske dokumentacije.

Ponuda ponuđača Babel d.o.o. Sarajevo se kao takva nije mogla uzeti u dalje razmatranje.

Komisija za javnu nabavku usluga, radova i usluga vezanih za radove, jednoglasno je predložila Općinskom načelniku da u skladu sa odredbama člana 69. stav 2) tačka d) Zakona o javnim nabavkama donese Rješenje o poništenju postupka javne nabavke radova, „Izgradnja dječijeg igrališta u ulici Dobojska“, jer jedina pristigla ponuda nije prihvatljiva.

U postupku ocjene provedenog postupka Općinski načelnik nije našao razloge, nepravilnosti niti propuste u radu, koji bi eventualno bili osnov za neprihvatanje preporuke Komisije za javnu nabavku. Naime, u postupku je ocijenjeno da je Komisija u svemu pravilno postupila te da je odluka o poništenju postupka javne nabavke donesena jednoglasno u skladu sa Zakonom o javnim nabavkama, podzakonskim aktima i tenderskom dokumentacijom.

Iz navedenih razloga, primjenom člana 69. stav 2) tačka d) Zakona o javnim nabavkama, odlučeno je kao u dispozitivu Rješenja.

Pouka o pravnom lijeku:

Protiv ovog Rješenja može se izjaviti žalba, najkasnije u roku od **10 (deset) dana** od dana prijema ovog Rješenja. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Naknada za pokretanje žalbenog postupka plaća se Uredu za razmatranje žalbi, u skladu sa članom 107. Zakona o javnim nabavkama i Instrukcijom Ministarstva finansija i trezora BiH o načinu uplate, kontrole i povrata naknada propisanih članom 108. Zakona o javnim nabavkama BiH.



DOSTAVITI:

- Babel d.o.o. Sarajevo
- a/a



Općina Novo Sarajevo, ulica Zmaja od Bosne br. 55, centrala telefon (387 33) 492 100
Općinski načelnik i Kabinet Općinskog načelnika (387 33) 492 272, fax (387 33) 644 559
E mail novosarajevo@novosarajevo.ba, načelnik: naclenik@novosarajevo.ba
Identifikacioni broj: 4200558710008 PDV broj: 200558710008 Porezni broj: 0170333000

Depozitni račun (za uplatu svih javnih prihoda): 3380002210023628 UniCredit Bank d.d. Sarajevo;

Transakcijski računi (za isplatu svih obaveza): 1610000019280022 Raiffeisen bank d.d. Sarajevo; 3386902296664459 UniCredit Bank d.d. Sarajevo;

1020500000098065 Union Banka d.d. Sarajevo; 1413065320060897 Bosna Bank international d.d.

